

२४

विविधतीर्थकल्पे

१३. अयोध्यानगरीकल्पः ।

अउज्झाए एगट्ठिआई जहा—अउज्झा अवज्झा कोसला विणीया साकेयं इक्खागुभूमी रामपुरी कोसल ति । एसा सिरिउसभ-अजिअ-अभिनंदण-सुमइ-अणंतजिणाणं^१ तहा नवमस्स सिरिबीरगणहरस्स अयलभाउणो जम्मभूमी । रहुवंसुब्भवाणं दसरह-राम-भरहार्इणं च रज्जद्वानं । विमल-
५ वाहणाइसत्तकुलगरा इत्थ उप्पन्ना ।

उसभसामिणो रज्जाभिसेए मिहुणगेहिं भिसिणीपत्तेहिं उदयं धित्तुं पाएसु छूढं । तओ साहुविणीया पुरिस ति भणिअं सक्केण । तओ विणीय ति सा नयरी रूढा ।

जत्थ य महासईए सीयाए अप्पाणं सोहंतीए निअसीलवलेण अग्गी जलपूरीकओ । सो अ जलपूरो नयारें बोळितो निअमाहप्पेण तीए चेव रक्खिओ ।

१० जा य अहुभरहवसुहागोलस्स मज्झभूआ सया, नवजोअणवित्थिणा बारसजोअणदीहा य ।

जत्थ चक्केसरी रयणमयायणट्ठिअपडिमा संघविग्घं हरेइ, गोमुहजक्खो अ ।

जत्थ घग्घरदहो सरऊनईए समं मिलित्ता सग्गदुवारं ति पसिद्धिमावन्नो ।

जीए उत्तरदिसाए बारसहिं जोअणेहिं अट्ठावयनगवरो जत्थ भगवं आइगरो सिद्धो । जत्थ य भरहे-
सरेण सीहनिस्सिज्जाययणं तिकोसुच्चं कारिअं । निय-नियवण्णपमाणसंठाणजुत्ताणि अ चउवीसजिणाण बिंबाई
१५ ठावियाइ । तत्थ पुबदारे उसभ-अजिआणं; दाहिणदारे संभवाईणं चउण्हं; पच्छिमदुवारे सुपासाईणं अट्ठण्हं;
उत्तरदुवारे धम्मआईणं दसण्हं; थूमसयं च भाउआणं तेणेव कारिअं ।

जीए नयरीए वत्थवा जणा अट्ठावयउवच्चयासु कीळिसु ।

जओ अ सेरीसयपुरे नवंगवित्तिकारसाहासमुब्भवेहिं सिरिदेविंदसूरीहिं चत्तारि महाबिंबाई दिवसतीए गयणमग्गेण आणीआई ।

२० जत्थ अज्ज वि नाभिरायस्स मंदिरं । जत्थ य पासनाहवाडिया सीयाकुंडं सहस्सधारं च ।

पायारट्ठिओ अ मत्तगयंद^२जक्खो । अज्ज वि जस्स अग्गे करिणो न संचरंति, संचरंति वा ता मरंति ।

गोपयराईणि अ अणेगाणि य लोइअत्तिथाणि वट्ठंति ।

एसा पुरी अउज्झा सरऊजलसिच्च^३माणगढमिती । जिणसमयसत्ततिथीजत्तपवित्तिअजणा जयइ ॥ १ ॥

कहं पुण देविंदसूरीहिं चत्तारि बिंबाणि अउज्झापुराओ आणीयाणि ति भण्णइ—सेरीसयनयरे विह-
२५ रंता आराहिअपउमावइ-धरणिंदा छत्तावल्लीयसिरिदेविंदसूरिणो उक्कुरुडिअपाए^४ ठाणे काउस्समं करिंसु ।
एवं बहुवारं करिते ते दट्ठूण सावएहिं पुच्छिअं—भयवं ! को विसेसो इत्थ काउस्समकरणे ? । सूरीहिं भणियं—इत्थ
पहाणफलही चिट्ठइ, जीसे पासनाहपडिमा कीरइ; सा य सन्निहियपाडिहेरा हवइ । तओ सावयवयणेण पउमावई-
आराहणत्थं उववासतिगं कयं गुरुणा । आगया भगवई । तीए आइट्ठं । जहा—सोपारए अन्धो सुत्तहारो चिट्ठइ ।
सो जइ इत्थ आगच्छइ अट्ठमभत्तं च करेइ, सूरिए अत्थमिए फलहिअं घडेउमाढवइ, अणुदिए पडिपुण्णं संपाडेइ,
३० तओ निप्पज्जइ । तओ सावएहिं तदाहवणत्थं सोपारए पुरिसा पट्ठविआ । सो आगओ । तहेव घडिउमाढत्ता ।
धरिणिन्दधारिआ निप्पन्ना पडिमा । घडिन्तस्स सुत्तहारस्स पडिमाए हिअए मसो पाउब्भूओ । तमुविक्षिऊण
उत्तरकाओ घडिओ । पुणो समारिंतेण मसो दिट्ठो । टङ्किआ वाहिआ । रुहिरं निस्सरिउमारद्धं । तओ सूरीहिं
भणिअं—किमेयं तुमए कयं ? । एयंमि मसे अच्छन्ते एसा पडिमा अईवअब्भुअहेऊ सप्पभावा हुन्ता । तओ अङ्ग-

१ 'जिणाणं' नास्ति C । २ C D मइंद० । ३ C D जलभिसिच्च० । ४ C ०प्पए ।

अपापापुरी[संक्षिप्त]कल्पः ।

२५

द्वेणं चंपिउं थंभिअं रुहिरं । एवं तीसे पडिमाए निप्पन्नाए चउवीसं^१ अन्नाणि बिंबाणि खाणीहिंतो आणित्ता ठावि-
आणि । तओ दिवसत्तीए अवज्झापुराओ तिन्नि महाबिंबाणि रत्तीए गयणमग्गेण आणीयाणि । चउत्थे वि आ'णि-
ज्जमाणे विहाया रयणी । तओ धारासेणय'गामे खित्तमज्जे बिंबं ठिअं । रण्णा सिरिकुमारपालेण चालुकवक्क-
वइणा चउत्थं बिंबं कारित्ता ठविअं । एवं सेरीसे महप्पभावो पासनाहो अज्जवि संघेण पूइज्जइ । मिच्छा वि
उवह्वं काउं न पारेंति । ऊसुअघडिअत्तेण न तहा सलावण्णा अवयवा दीसंति । तम्मि अ गामे तं बिंबं अज्जवि 5
चेईहरे पूइज्जइ ति ॥

॥ श्री अयोध्यापुरीकल्पः समाप्तः ॥

॥ ग्रं० ४४, अ० ९ ॥

1 C चउदिसं । १-१ एतदङ्कान्तर्गता पंक्तिः पतिता C आदर्शे । 2 A °सेणेय° । § A आदर्शे नोपलभ्यते
एष कल्पः ।